

**Rodolphe BRINGER**

**LA PRIMO IDILO DE TEOUCRITE**

**1927**

A Péiré DEVOLUY

Pèr si mour, soun amo lindo, soun soulèu d'or, soun cèu blu, la douçour et la bèuta de sa lèngo, la Prouvènço es la soureto de la Grèço. Es pèr aco que m'a agrada d'adouba à la Felibrenco aquesto Primo Idilo de Teoucrité, lou Felibre Gregau dis amour e de la pastriho, e vous la porgé, car Péiré DEVOLUY, en testimoni de moun afecioun e de moun amiracioun pèr l'Ome qu'a escrit lou Saume souto lis estelo;

R. B.

**LA PRIMO IDILO DE TEOUCRITE**

TIRCIS

Quand li pin verdoulènt, près di lindo sourgueto  
Brusejon, o cabrié, douço es sa cansouneto:  
Mai ta cansoun à tu, qu'armouniousamen  
Sus la sagno à tres trau calamèles tant bèn  
Es peréu agradivo. O! s'un jour, pèr lou mounde  
T'en vas lucha me Pan ve, la joio secoundo  
Te revendra de dre; e se chausis lou diéu  
Quàuqui bièu banaru, pelous, poudènt e viéu,  
Tu, la cabreto auras mistouso e blanquino.

LOU CABRIÉ

Bèu pastre, taiso-te, que sus la calamello  
Flahutejes tant bèn, que di font, lou murmur  
Es mens dous que toun cant, mens poulit e mens pur.  
Se li Muso emé tu, fasènt la courregudo,  
Gagnavon coume pres uno fèdo ventrudo  
Gagnariés, tu, l'agnèu qu'aièr an desmama.

TIRCIS

Te, vau crèire, cabrié, qu'aro te vos trufa.  
O se vouliés, au noum di Ninfo bousquetiero,  
Dóu tèms que sian eici sus aqueslo coustiero  
Qu'embaumo la frigoulo e lou brusc tout en flour,  
Bèn lèu flahutariés un poulit cant d'amour,  
Enterin que, chalant, iéu gardarai ti cabro.